

ԳԻՏԱԺՈՂՈՎ ՆՎԻՐՎԱԾ ԱՆԴՐԿՈՎԿԱՍՈՒՄ ԿԱՊԻՏԱԼԻԶՄԻ
ԱՌԱՋԱՑՄԱՆ ՈՒ ԶԱՐԳԱՅՄԱՆ ՀԱՐՑԵՐԻՆ

Ս. թ. մարտի 25—29-ը Էաթվում ՍՍՀՄ ԳԱ պատմության բաժնի կոմպլեքսային պրոբլեմ-
ների գիտական խորհրդի, հատկապես «Կապիտալիզմի զենեզիսի» սեկցիայի նախաձեռնությամբ
հրավիրվեց գիտաժողով, որի նպատակն էր քննել Անդրկովկասում կապիտալիզմի առաջացման
և զարգացման հարցերը: Գիտաժողովի աշխատանքներին մասնակցում էին Մոսկվայի, Լենին-
գրադի, Քաթվի, Նրևանի, Քրիլիսիի և Գրոզնու գիտահետազոտական ինստիտուտների աշխա-
տողները: Գիտաժողովում լսվեց 14 զեկուցում և 5 հաղորդում:

Տնտեսական դիտությունների դոկտոր պրոֆեսոր Մ. Հ. Աղուցը հանդես եկավ «Անդրկովկա-
սում կապիտալիզմի զենեզիսի առանձնահատկություններն ու բնորոշ գծերը» զեկուցումով:
Իա գտնում է, որ ի տարբերություն Ռուսաստանի, որտեղ կապիտալիստական հարաբե-
րությունները առաջացել են XVIII դարում, Անդրկովկասում շնորհիվ պարսկա-թուրքական ետա-
մնաց տիրապետության դրանք երևան են եկել ուշ՝ XIX դարի 30-ական թվականներին: Մայրերկրի
սիացումը Ռուսաստանին հսկայական նշանակություն ունեցավ վրացիների, հայերի ու ադրբե-
ջանցիների առաջընթացի համար: Այդ միացման շնորհիվ Անդրկովկասում առաջադիմում են
արտադրողական ուժերը, աճում է կապիտալի նախասկզբնական կուտակումը, որը տեղի է ունե-
նում առևտրի, վաշխառության, կապալառության և այլ եղանակներով: Ուռուցած դրամատները
իրենց միողները ներդնում են արտադրության մեջ, կառուցում էին ձեռնարկություններ, մտածում
բանվորներ և արտադրանքը ուղարկում վաճառքի: Այդ բոլորի հետևանքով Անդրկովկասում տեղի
է ունենում արդյունաբերական հեղաշրջում, որը և ուղիղ է դնում կապիտալիզմի դարաշրջանին:
Գեկուցողն, այնուհետև, նշեց, որ XIX դարի վերջին Անդրկովկասում ավարտվում է կապիտա-
լիզմի ձևավորումը: Ես ընդգծեց, որ Ռուսաստանի այս ծայրամասում կապիտալիստական մա-
նուֆակտուրայի գոյությունն այնքան կարճատև է եղել, որ կարելի է նույնիսկ այն անտեսել:
Նատմական դիտությունների թեկնածու Ա. Պ. Նովոսելցևը բնութագրեց Իրանի և Անդրկով-
կասի տնտեսական վիճակը XVIII դարի վերջին և XIX դարի սկզբին: Նա ցույց տվեց, որ նշված
մասնակամիջոցում Իրանը գտնվում էր ֆեոդալական մասնատվածության այնպիսի պայման-
ներում, որ կապիտալիզմի առաջացումը պարզապես անհնարին էր: Իրանում և Անդրկովկասյան
երկրներում գոյություն ունեցող «քարխանաները» պետական ձեռնարկություններ էին և կապի-
տալիզմի հետ ոչ մի առնչություն չուներին: Անդրկովկասի պատմության նոր շրջանը սկսվում է
XIX դարի սկզբներից, երբ այն միացվեց Ռուսաստանին և հնարավորություն ստացավ բռնելու
կապիտալիզմի զարգացման ուղին: Ավելի ուշ Անդրկովկասը ներթաշվեց համառուսական շուկա և
XIX դարի կեսին տնտեսապես առաջ անցավ Իրանից:

Ադրբեջանական ՍՍՀ ԳԱ ակադեմիկոս Ա. Ս. Սումբաուզադեն հանդես եկավ «Արդյունաբերա-
կան կապիտալիզմը Ադրբեջանում» զեկուցումով: Նրա կարծիքով Ադրբեջանում XIX դարի կե-
սերին կապիտալիզմի նախնական ստադիաները, այն է՝ տնային արդյունաբերությունը, արհեստն
ու մանր ապրանքային արտադրությունը հասնում են զգալի հաջողությունների: XIX դարի կե-
սերից ռուսական շուկայի ներգործության շնորհիվ արդյունաբերության որոշ ճյուղեր անցնում են
կապիտալիզմի զարգացման մանուֆակտուրային, իսկ այլ ճյուղեր՝ գործարանային աստիճանին:
Երկրի տնտեսության մեջ առաջնում են նաև նոր ճյուղեր: Արագ թափով առաջ է դնում նավթի,
ապա պնդձի և հումքի այլ տեսակների արտադրությունը: Կապիտալիզմը թափանցում է նաև
մշակող արդյունաբերության բնագավառը և բարձրացնում աշխատանքի արտադրողականու-
թյունը:

Զեկուցողը հակադրվեց Ստալինի հանրահայտ այն կարծիքին, թե Ադրբեջանը չի անցել
հասարակության զարգացման կապիտալիստական էտապը: Ապա ցանկացավ ցույց տալ, որ
կապիտալիստական հարաբերությունները Ադրբեջանում ավելի էին զարգացած, քան Վրաստանում,

որ Ադրբեյջանը իր տնտեսական զարգացումով բարձր էր կանգնած համաուսաստանյան միջին մակարդակից: Այդ ապացույցնու համար նա բերում է հետևյալ տվյալները. 1897-ի մարդահամարով, Ադրբեյջանում արդյունաբերական բնակչությունը կազմում է երկրի ողջ բնակչության 13,7 տոկոսը, իսկ Ռուսաստանում 1913 թ.՝ միայն 9 տոկոսը:

Ադրբեյջանի ՍՍՀ ԳԱ թղթակից անդամ պրոֆ. Ա. Ն. Գուլիևը և պատմ. դոկտոր Ս. Վ. Սուրիզուևովը զեկուցեցին «Ադրբեյջանում կապիտալիզմի ղենեզիսի և զարգացման հարցի շուրջը» պրոբլեմի մասին: Նրանք նշեցին, որ Ադրբեյջանի միացումը Ռուսաստանին առաջադիմական նշանակություն ունեցավ նրա տնտեսական ու քաղաքական զարգացման համար: XIX դ. կեսերին Ադրբեյջանում արդեն հանդես են գալիս կապիտալիստական հարաբերությունների սպորադիկ ձևերը, իսկ 50—60-ական թվականներից այդ ձևերը վեր են ածվում որակի: Բնորոշ է, որ կապիտալիստական կոոպերացիան, մանուֆակտուրան, հաճախ նաև գործարանը հանդես են գալիս միաժամանակ: Իսկ դա պայմանավորված էր ուսական շուկայի ներգործությամբ: XIX դարի երկրորդ կեսին կապիտալիստական հարաբերությունները թափանցում են նաև գյուղը և այնտեղ ստեղծում են կապիտալիստական տնտեսաձև:

Պատմական գիտությունների թեկնածու Մ. Մ. Սամսոնովն հանդես եկավ «կապիտալիզմի ղենեզիսն ու զարգացումը Վրաստանի արդյունաբերության մեջ» թեմայով: Ըստ նրա, Վրաստանում կապիտալիստական հարաբերությունները առաջացել են XVIII դարի երկրորդ կեսին, ուր կենտրոնացած մանուֆակտուրայի կողքին զարգանում է նաև ցրված մանուֆակտուրան, որը XIX դ. սուրճին քառորդին դառնում է Վրաստանի արդյունաբերության ամենատարածված ձևը: Շնորհիվ այդ տեղաշարժերի XIX դ. 20-ական թվականներից սկսում է ձևավորվել կապիտալիստական տնտեսաձև, որը ավարտվում է նույն դարի 50-ական թվականներին: 70—80-ական թվականներին Վրաստանում տեղի է ունենում արդյունաբերական հեղաշրջում, որի հետևանքով կապիտալիստական հարաբերությունները դառնում են գերիշխող:

Տողերիս հեղինակը զեկուցեց «կապիտալիստական հարաբերությունների զարգացումը Հայաստանի արդյունաբերության մեջ» պրոբլեմի մասին: Նշեց, որ կապիտալիստական հարաբերությունները Ռուսաստանի հայկական գաղթօջախներում (Մոսկվայում, Պետերբուրգում, Աստրախանում և Նոր Նախիջևանում) առաջացան XVIII դարի երկրորդ կեսից և XIX դարի սկզբում: Իայց բուն Արևելյան Հայաստանում պարսկա-թուրքական հետամնաց տիրապետության հետևանքով, այդ հարաբերություններն առաջացան ուշ՝ XIX դ. 50-ական, հատկապես 60-ական թվականներին: Մանուֆակտուրաները, որոնք 50—40-ական թվականներին եզակի երևույթներ էին, 60, հատկապես 60-ական թվականներին ընդունում են մասսայական բնույթ և իրենց զգացնել են տալիս երկրի տնտեսական կյանքում: Բայց Արևելյան Հայաստանի արդյունաբերության մեջ մանուֆակտուրային շրջանը կարճ է տևում՝ երկու-երեք տասնամյակ, որից հետո այսինքն՝ 80—90-ական թվականներից սկսվում է գործարանային շրջանը: XIX դ. վերջին և XX դ. սկզբին կապիտալիստական հարաբերությունները երկրի արդյունաբերության մի շարք ճյուղերում արդեն տիրապետում են: Սակայն այլ ճյուղերում տակավին շարունակում են գերակշռել արհեստներն ու անընդամենը ապրանքային արտադրությունը:

Ադրբեյջանական ՍՍՀ ԳԱ թղթակից-անդամ պրոֆ. Բ. Յ. Ախունդովը հանդես եկավ «Մոնոպոլիաների ձևավորումը Ադրբեյջանի նավթային արդյունաբերության մեջ» թեմայով: Նա նշեց, որ Խաբովում մոնոպոլիաներն առաջացան ոչ թե վերևից, ինչպես սխալ կերպով պնդում էին մի ժամանակ, այլ ամբողջ երկրի տնտեսական զարգացման պրոցեսում՝ ամենաարագ տեմպերով և XX դ. հենց սկզբին սկսեցին լծանալ:

Պատմական գիտությունների դոկտոր Գ. Գ. Սամանովը զեկուցեց «կապիտալիզմի ղենեզիսը և զարգացման բնորոշ գծերը Դաղստանում» հարցի մասին և նշեց, որ Դաղստանում մինչև Հեկտեմբերյան մեծ հեղափոխությունը տիրապետում էին նահապետական-ֆեոդալական հարաբերությունները, որոնց կողքին տեղ էին գտել նաև կապիտալիստական հարաբերությունները: Արտադրության բուրժուական եղանակը, թեև դանդաղ, բայց անշեղորեն զարգանալով, կամաց կամաց արտամղում էր կյանքի հին ձևերը և թափանցում Դաղստանի առկու:

Պատմական գիտությունների դոկտոր Է. Վ. Սաջուալիան հանդես եկավ «Բանվոր դասակարգի ձևավորումը Վրաստանում» թեմայով: Նա ասաց, որ Վրաստանի արդյունաբերական ձևերի կազմավորումը և գյուղերում վարձու աշխատանքի պարբերաբար շահագործումը նկատվում էր 19-րդ դ. կազմին XIX դ. 20—30-ական թվականներից: Նույն դարի 60-ական թվականներին մշտական աշխատողների թիվը Վրաստանի արդյունաբերության տարբեր ճյուղերում արդեն կազմում էր 15—20 հազ., իսկ սեզոնայինների՝ հետ մեկտեղ՝ 50—60 հազ.: Սակայն բանվորների մեծ մասը աշխատում էր դեռ մանր ձևերի կազմում: 1897 թ. Վրաստանի արդյունաբերական բաժնի

վորները հաշվվում էին 120—130 հազ., որոնց 45—50 տոկոսը վրացիներ էին, 30—35 տոկոսը հայեր, 10—15 տոկոսը՝ ռուսներ, իսկ մնացածը՝ այլ ազգություններ:

Պրոֆ. Մ. Ա. Խամաիլովը զեկուցում կարդաց «Ապրանքային արտադրությունը և կապիտալիզմը Ադրբեջանի գյուղատնտեսության մեջ XIX դարում և XX դարի սկզբին» հարցի շուրջը և նշեց, որ ռուսական կապիտալիզմի զարգացումն ըստ լայնության արագացրեց Ադրբեջանի գյուղատնտեսության մեջ ապրանքային արտադրության առաջացումն ու վերելքը, Շուկալական հարաբերությունների մեջ ներքաշվեցին հատկապես բամբակագործությունը, մետաքսագործությունը, խաղողագործությունը, այգեգործությունը և այլ ճյուղեր: Սերտացան Ադրբեջանի առևտրական կապերը Անդրկովկասի և եվրոպական Ռուսաստանի արդյունաբերական կենտրոնների հետ, որի հետևանքով Ադրբեջանում արագորեն տեղի էր ունենում ապրանքային տնտեսության ներածումը կապիտալիստական տնտեսության: Արդեն 60—70-ական թվականներից երկրի մի շարք շրջաններում գյուղատնտեսության վերոհիշյալ ճյուղերում ձևավորվում են կապիտալիստական հարաբերություններ: Սակայն Ադրբեջանի լեռնային շրջաններում, ուր զբաղվում էին դերազանցապես անասնապահությամբ, այդ հարաբերությունները խիստ թույլ էին զարգացած:

Պրոֆ. Ի. Գ. Անտելյովան և պատմ. գիտ. թեկնածու է. Ս. Օրտնիկիձևն հանդես եկան «Մինչ-ռևոլյուցիոն վրացական գյուղում բուրժուական հարաբերությունների զարգացման հարցի շուրջը» զեկուցումով: Նրանք ջանում էին ցույց տալ, թե վրացական գյուղում բուրժուական բնույթի տեղափոխությունը սկսեցին նկատվել XIX դարի 30-ական թվականներից, իսկ նույն դարի 30—50-ական թվականներին ձևավորվել էր կապիտալիստական տնտեսաձևը:

Պատմական գիտությունների դոկտոր Ա. Ս. Բենդիլանդիլին զեկուցեց «կապիտալիստական հարաբերությունների զարգացումը վրացական գյուղում 1865—1917 թվականներին» հարցի մասին և եզրակացրեց, որ գյուղացիական ռեֆորմը զգալիորեն նպաստեց վրացական գյուղի բուրժուական հարաբերությունների զարգացմանը: Քայքայվում էին ֆեոդալական մնացորդները, աշխատավճար ռենտան արագորեն վեր էր ածվում դրամավճար ռենտայի, իսկ հողը ավելի ու ավելի էր ներքաշվում շուկայական հարաբերությունների մեջ: Այդ բոլորի հետևանքով խորանում էր գյուղացիության դասակարգային շերտավորումը: XX դ. սկզբին հարուստներն արդեն կազմում էին գյուղական բնակչության 4—5, միջակները՝ 35—40, իսկ աղքատները՝ 55—60 տոկոսը: Կալվածատերերի մի մասը սկսել էր վարել կապիտալիստական տնտեսություն:

Տնտեսական գիտությունների դոկտոր Մ. Ն. Եզանյանը հանդես եկավ «Վարձու աշխատանքը և հագործումը Հայաստանի գյուղատնտեսության մեջ» զեկուցումով: Ելնելով այն սկզբունքից, թե կապիտալիզմը առաջանում է այնտեղ և այն ժամանակ, որտեղ և երբ արտադրության միջոցների սեփականատերերը անմիջապես իրենց են ենթարկում աշխատանքի պրոցեսը և արտադրությունը ընդունում է ապրանքային բնույթ, նա եզրակացնում էր, թե այդ ամենը Հայաստանում կատարվեցին գերազանցապես XIX դ. երկրորդ կեսից, հատկապես 60-ական թվականներից: Սակայն Հայաստանում գյուղացիության քայքայումը նախ շահաավ այն չափերին, ինչպիսին էր Ռուսաստանում, երկրորդ այդ քայքայումը ավելի առաջ գնաց, քան կապիտալիստական տնտեսությունների զարգացումը: Իսկ դրանց հիմնական պատճառը ցարիզմի գաղութային քաղաքականությունն էր ու գյուղացիական ռեֆորմի անցկացումը: Ճարիզմը հողաշինարարական աշխատանքներին տվեց ձևական բնույթ, իսկ բաժնեհողերի փրկագնումները դարձրեց անիրագործելի:

Պատմական գիտությունների դոկտոր Լ. Մ. Մալումեյովը և պատմական գիտությունների թեկնածու Խ. Խ. Ռամազանովը զեկուցեցին «Հետոբեֆորմյան Դաղստանի աուլի սոցիալ-տնտեսական բնութագիրը» թեմայով:

Իրադրությունում լսվեցին նաև մի շարք հաղորդումներ: Այսպես, պատմական գիտությունների դոկտոր Ն. Պ. Էմիլովը հանդես եկավ «Առաջին մանածագործական ձեռնարկությունը Դաղստանում», պատմական գիտ. թեկնածու Ս. Գ. Ախվերդովան՝ «Մեքենաշինության առաջացումն ու զարգացումը մինչհեղափոխական Ադրբեջանում» (XIX դարի վերջին և XX դարի սկզբին) թեմաներով և այլն:

Պատմական գիտությունների թեկնածու Լ. Ա. Խանլուրյանը «Տնտեսական որոշ տեղաշարժեր հայկական գյուղում 1870 թվականի գյուղացիական ռեֆորմի նախօրյակին» հաղորդման մեջ նշեց, որ շնայած ցարիզմի գաղութային ու ճորտատիրական քաղաքականությանը, այնուամենայնիվ 30—60-ական թվականներին հայկական գյուղում աճում էր աշխատանքի հասարակական բաժանումը, մեծանում էր քաղաքային բնակչության թիվը, արհեստավորները դառնում էին մանր ապրանքարտադրողներ, իսկ գյուղատնտեսությունը դուրս էր գալիս նատուրալ տնտեսության շրջանակներից և ներգրավվում շուկայական հարաբերությունների մեջ: Ապրանքային արտադրության զարգացումը առաջ էր բերում գյուղում սոցիալական շերտավորում:

Ղեկուցումներից և հաղորդումներից հետո գիտաժողովում ծավալվեց մտքերի փոխանակություն:

Մ. Հ. Աղունգը համամիտ չէր այն ղեկուցողների հետ, որոնք գտնում էին, թե Ադրբեյջանը, Ռուսաստանի միացման նախօրյակին իղել է Պարսկաստանից անկախ, ունեցել է ֆեոդալական պետականություններ, որոնք իղել են ինքնուրույն: Նա չբաժանեց այն հեղինակների կարծիքները, որոնք դերագնահատեցին Ադրբեյջանի սոցիալ-տնտեսական զարգացման մակարդակը:

Թիեմոնեկին ասաց, որ գյուղացիական ռեֆորմը չի կարելի համարել կապիտալի նախա-սկզբնական կուտակման մեթոդներից մեկը, քանի որ գյուղացիների զրկումը հողից նպաստում էր ոչ թե կապիտալիզմի, այլ ֆեոդալիզմի զարգացմանը: Գյուղատնտեսության ապրանքայնությունը բրոշելու համար, ասաց նա, պետք է վերցնել ոչ թե ևրկորդական ճյուղերը (այսինքն՝ բամբակագործությունը, խաղողագործությունը, ծխախոտագործությունը), այլ զլխավորները (հացահատիկային տնտեսությունն ու անասնապահությունը), քանի որ գյուղատնտեսության արտադրանքի մոտ 70 տոկոսը տալիս են հենց այդ ճյուղերը: Վերջապես, նա նշեց, որ վարձու աշխատանքի ամեն մի օգտագործում չի կարելի կապիտալիզմ համարել: Այն այդպիսի բնույթ է ընդունում, երբ մասսայական է դառնում, իսկ ստեղծած արժեքները ուղարկվում են վաճառքի:

Ի. Գ. Անտեյալան ընդգծեց, որ Անդրկովկասի երկրներից յուրաքանչյուրն ունեցել է իր առանձնահատկությունները, որոնք որոշակի դեր են խաղացել կապիտալիզմի առաջացման ու զարգացման գործում: Շնորհիվ այդ առանձնահատկությունների, Վրաստանում կապիտալիզմը չուտ է ձևավորվել, քան ծայրերկրի այլ վայրերում: Հոստորը առարկում է այն հեղինակներին, որոնք Վրաստանը համեմատում էին Իրանի հետ: Նա գտնում է, որ XVIII դ. Վրաստանը տնտեսապես ավելի էր զարգացած, քան Իրանը և ընդհանրապես առաջարկում է հարցը չպատկերացնել այնպես, թե Վրաստանում, մինչև Ռուսաստանին միանալը, ոչինչ չկար և ամեն տեսակի առաջ-խաղացում սկսվեց միացումից հետո:

Վ. Գ. Մոչալովը նշեց, որ կապիտալիզմի գենեզիսը լուսաբանելու համար անհրաժեշտ է ցույց տալ ապրանքային արտադրության զարգացումը և նրա վերածումը կապիտալիստական տնտեսության: Անդրկովկասում, ժամանակագրական տեսանկյունից, կապիտալիզմի գենեզիսը ընդգրկում է ամբողջ XIX դարը: Կապիտալիստական արտադրանքային ձևավորման մասին խոսելիս պետք է մի կողմ դնել տնտեսաձև հասկացողությունը և վեր հանել կապիտալիզմի կոոպերացիայի, մանուֆակտուրայի և գործարանային ստադիաները: Ապա քննադատեց Ա. Ս. Սումբատ-ղադին, գտնելով, որ նա դերագնահատում է կապիտալիզմի զարգացման մակարդակն Ադրբեյջանում: Նա ստույգ չհամարեց այն տվյալները, որոնց համաձայն Ադրբեյջանում քաղաքային բնակչությունը իբր թե կազմում էր 13,7, իսկ ամբողջ Ռուսաստանում 9 տոկոս: Ցույց տվեց, որ Ա. Ս. Սումբատղադեն Ադրբեյջանի համար վերցրել է թե՛ բանվորների և թե՛ նրանց ընտանիք-անդամների թիվը, իսկ Ռուսաստանի համար՝ միայն բանվորների թիվը: Եթե Ռուսաստանի համար էլ վերցնեն բանվորների ընտանիքների անդամների թիվը, ապա քաղաքային բնակչությունը կկազմի ոչ թե 9, այլ 18 տոկոս: Ուրեմն կապիտալիզմի զարգացման մակարդակը Ադրբեյջանում Ռուսաստանի միջին մակարդակից ցածր է եղել:

Տողերիս հեղինակը այն կարծիքը հայտնեց, որ որոշ ղեկուցողներ գերագնահատում են կապիտալիզմի զարգացման մակարդակը Ադրբեյջանում և Վրաստանում: Մ. Մ. Սամսոնաձեի բերած տվյալները խոսում են ո՛չ թե կապիտալիստական մանուֆակտուրայի, այլ մանր ապրանքային արտադրության զարգացման մասին Վրաստանում XVIII դ. երկրորդ և XIX դ. առաջին կեսերին: Գերագնահատումն արտահայտվում է նաև այն բանում, որ ղեկուցողները գյուղում կապիտալիզմի մասին խոսելիս, ցույց էին տալիս համարյա բացառապես նրա զարգացած ձևերը և մոռանում սաղմնային, նախնական ձևերը: Մինչդեռ Անդրկովկասի գյուղի համար բնորոշ են եղել կապիտալիզմի հենց ցածր ձևերը: Ապա նա գտնում էր, որ Անդրկովկասում կապիտալիստական հարաբերությունների սաղմերը երևան են դալիս XIX դարի առաջին կեսին (Վրաստանում համեմատաբար շատ, Ադրբեյջանում ու Հայաստանում քիչ չափերով), բայց նրանց իսկական զարգացումը սկսվում է XIX դարի երկրորդ կեսից, զլխավորապես 60-ական թվականներից: Ռուսական կապիտալիզմի ազդեցության շնորհիվ Անդրկովկասի արդյունաբերության որոշ ճյուղեր կապիտալիզմի մանր ապրանքային ստադիայից անցնում են ուղղակի գործարանային ստադիային:

Բ. Յու. Ախունդովը խնդիր էր դնում, որ կապիտալիզմի գենեզիսի և զարգացման պրոբլեմները պարզաբանվեն ոչ այնքան կցկտուր տեղեկություններով ու վկայություններով, որքան վիճակագրական տվյալներով: Կապիտալիզմը Ադրբեյջանում, ըստ էության, սկսեց զարգանալ ետոն-ֆորմյան շրջանում, այսինքն՝ 60-ական թվականներից, իսկ 90-ական թվականներից նավթարդյունաբերության բնագավառում անցավ իմպերիալիզմին: Նա համաձայն չէր Մ. Մ. Սամսոնաձեի

հետ, որը գտնում է, թե Վրաստանում կապիտալիստական հարաբերությունները շրջանցել են կոոպերացիան և անցել ցրված մանուֆակտուրային, առարկեց նաև մեր այն տեսակետը, ըստ որի կապիտալիստական մանուֆակտուրային արտադրությունը քայքայում է ֆեոդալիզմի հիմքերը:

Ա. Ն. Չխտոզվանովը գտնում է, որ անհրաժեշտ է պարզաբանել կապիտալիզմի զարգացման տարբեր ստադիաները (կոոպերացիան, մանուֆակտուրան, գործարանը և մոնոպոլիան), պահպանել ժամանակագրական կարգը և վեր հանել համաշխարհային շուկայի հետ եղած կապերը: Համաձայն չէ Ռինձլունսկու հետ գյուղացիական ռեֆորմի հարցում և գտնում է, որ այն որոշ ափով հանդիսանում էր կապիտալի նախասկզբնական կուտակման մեթոդներից մեկը, առարկում է նաև Վ. Գ. Մոշալովին տնտեսաձևի հարցում և նշում, որ կապիտալիստական հարաբերություններից բացի եղել են նաև տնտեսաձև ու ֆորմացիա, գտնում, որ կապիտալիստական հարաբերությունները կարող են անցնել մանր ապրանքային ստադիայից անմիջապես գործարանային աստիճանին, շրջանցելով մանուֆակտուրան: Կանգ է տունում վարձու աշխատանքի շահագործման լրա և կարևոր համարում պարզել, թե կյանքի ո՞ր բնագավառում էր այն կիրառվում՝ ընտանիքում, թե արտադրության մեջ, ստեղծում էր արդյոք հավելյալ արժեք:

Է. Վ. Խոշտալովան նշում է, որ նախապես պետք է պարզել զենեղիս հասկացողությունը արդյոք այն կապիտալիստական հարաբերություն է, թե տնտեսաձև: Նա համամիտ է այն հեղինակների հետ, որոնք գտնում են, թե բուրժուական արտադրության եղանակը անցել է կապիտալիստական հարաբերությունների, տնտեսաձևի և ֆորմացիայի էտապները: Ապա նշում է, որ Վրաստանում ԱՄՆ-ի և Երկրորդ կեսից հանդես են գալիս կապիտալիստական հարաբերություններ կամ սաղմեր, ԱՄՆ-ի 30-ական թվականներից՝ տնտեսաձև, իսկ 60-ական թվականներից՝ ֆորմացիա: Նա պնդում է, որ չպետք է նույնացնել կապիտալիզմն ու մեքենայական արտադրությունը, քանի որ կապիտալիզմը կարող է հանդես գալ նաև առանց մեքենայական արտադրության: Կապիտալիզմի զենեղիսը ցույց տալու համար պետք է անդրադառնալ նաև վերնաշենքային երևույթներին:

Ա. Ն. Գուլիեր համամիտ չէր Նովոսելցևի հետ, որը գտնում է, թե Ադրբեյջանի միացումը Ռուսաստանին նպաստեց թուրքալեզու տարրերի ձուլմանը ադրբեյջանցիների հետ և դարձրեց այդ ժողովրդին ավելի միասնական: Հնդհակառակը, միացումը մասնատեց ադրբեյջանական ժողովրդին, թողնելով նրա մի մասը Պարսկաստանի տիրապետության տակ: Նա համամիտ չէր նաև այն հարցում, որ իբրև թե ադրբեյջանցիների մեծ մասը բռնվորներ ու կիսաբռնվորներ էին: Ասլաբերժում էր Եզանյանին, որը ժխտում է Անդրկովկասում գյուղացիների կախվածության փաստը կալվածատերերից պարսկական տիրապետության տարիներին: Ա. Ն. Գուլիեր համաձայն չի նաև այն հեղինակների հետ, որոնք գտնում են, թե Անդրկովկասի, հատկապես մահադական անգլավանների համար բնորոշ է եղել ստրկատիրական տնտեսաձևը, նշում է, որ Ադրբեյջանում եղել է ոչ թե տնտեսաձև, այլ ստրկության տարրեր: Առարկում է Բ. Յու. Ախունդովին՝ Ստալինի հանրահայտ դրույթը՝ Ադրբեյջանի մասին լիովին ժխտելու հարցում և գտնում է, որ այդ դրույթը Ադրբեյջանի բնակչության զգալի զանգվածի համար ճիշտ է: Զարմանք է հայտնում, որ որոշ հեղինակներ բանն այնպես են ներկայացնում, թե կարծես Ադրբեյջանում չեն եղել նահապետական ու ֆեոդալական հարաբերություններ: Ա. Ն. Գուլիեր խստորեն քննադատեց Ա. Ս. Սումբատյանին այն բանի համար, որ վերջինս փորձում էր զերազնահատել Ադրբեյջանի տնտեսական զարգացման մակարդակը: Նա տրամաբանորեն հարցնում էր, որ եթե Ադրբեյջանը համառոտական միջին մակարդակից բարձր էր, հապա ինչո՞ւմ էր արտահայտվում նրա զաղուծյալին վիճակը:

Ն. Ի. Պավլենկոն գտնում է, որ Անդրկովկասում զարգացող կապիտալիզմը՝ ըստ լույսի տեսական կապիտալիզմ էր և սխալ կլիներ համարել այն վրացական, ադրբեյջանական կամ հայկական: Վարձու աշխատանքի շահագործումը զեռ կապիտալիզմ չէ, այն կապիտալիզմ է դառնում այն ժամանակ, երբ ստեղծում է հավելյալ արժեք: Պետք է նկատի ունենալ, որ ինչպես ապրանքային արտադրությունը, նույնպես և վարձու աշխատանքը կարող են սպասարկել նաև ֆեոդալիզմին: Պետական ձեռնարկությունները ոչ մի բնագավառում բան չունեն կապիտալիզմի հետ անդամ այն դեպքում, եթե բանում են վարձու աշխատանքով, քանի որ նրանք արտադրում են ոչ թե շուկայի, այլ պետության համար: Նա համամիտ չէ Ի. Գ. Անտելիովայի հետ, որը XX դ. 30—50-ական թվականները Վրաստանի պատմության մեջ համարում է կապիտալիստական տնտեսաձևի շրջան և առաջարկում է խորանալ կալվածատերերի բյուրեղների ուսումնասիրության մեջ: Առարկում է հատկապես Մ. Մ. Սամսոնաձեին, որը XXII դ. երկրորդ կեսը համարում է Վրաստանի պատմության մեջ մանուֆակտուրային արտադրության և հետևաբար կապիտալիստական արտադրության եղանակի սկիզբ: Կասկած է հայտնում, որ Վրաստանում այդ ժամանակաշրջանում լինելը ցրված մանուֆակտուրա և նշում է, որ ինքը Ռուսաստանում XXII—XXIII դա-

րերում չի հայտնաբերել նման մանուֆակտուրա: Յրված մանուֆակտուրան սովորաբար հանդես է ելել աշխատանքի հասարակական ավելի խորր բաժանման և ապրանքային արտադրության ավելի բարձր զարգացման աստիճանում:

Վ. Պ. Վոլոքուևը նշեց, որ Հայաստանի և Ադրբեջանի համար բնորոշ են եղել ֆեոդալական հարաբերությունների լծացած ձևերը: Այդ պատճառով էլ պարսկական տիրապետության ժամանակ անհնարին էր կապիտալիզմի զենեղիսը: Փոքր ինչ այլ են եղել Վրաստանի պայմանները, բայց մեր վրաց կոլեզանների բերած տվյալները տակավին չեն համոզում, որ XVIII դարից կամ XIX դարի առաջին կեսին Վրաստանում կապիտալիզմ է դարձացել: Անդրկովկասում կապիտալիզմի առաջացումը սերտորեն կապված է ռուսական կապիտալիզմի զարգացման հետ: Հնարավոր է, որ Անդրկովկասում, հատկապես Վրաստանում XIX դարի առաջին կեսին եղել են կապիտալիստական ձևերի ծնունդը: Բայց բուրժուական հարաբերությունների զարգացումը որոշվում է ոչ թե ձևերի ծնունդի թվով կամ վարձու աշխատանքի քանակով, այլ արտադրության բնույթով և հասարակության սոցիալ-տնտեսական կառուցվածքով: Նա համարիտ չէ Խ. Գ. Անտելավայի այն կարծիքին, թե կապիտալիստական տնտեսաձևը Վրաստանում ստիպեց ցարիզմին վերացնելու ճորտատիրական իրավունքը: Դա համառուսաստանյան նշանակություն ունեցող մի ակ.ո էր, որից չէր կարող զերծ մնալ Վրաստանը:

Ա. Ս. Սումբաթովը ընդունեց իր հասցնի ուղղված այն անադատությունը, որ ինքը գտնվում էր Վրաստանում և Ադրբեջանի տնտեսական զարգացման մակարդակը:

Անդրադառնալով կապիտալիզմի առաջացման ու զարգացման հարցերին, նշեց, որ հասարակական այդ ֆուլմանի Ադրբեջանում և Հայաստանում սկսում է զարգանալ հիմնականում XIX դարի երկրորդ կեսից, հատկապես 60-ական թվականներից: Իրերի վիճակը, ըստ էության, այդպիսին է եղել նաև Վրաստանում, բայց վրացի ընկերները համաձայն չեն դրան: Սումբաթովը գտնում է, որ XIX դարի 30—40-ական թվերին Անդրկովկասում եղել է տնտեսական առաջընթաց, բայց դա ոչ թե կապիտալիզմի, այլ ապրանքային արտադրության զարգացումն էր: Նա, այնուհետև, համաձայնեց Մ. Ադոնցի և Ա. Համբարյանի հետ, որոնք գտնում էին, որ Անդրկովկասում կապիտալիզմի մանուֆակտուրային շրջանը կարճ է եղել, ապա նշեց, որ այսուհետև կապիտալիստական հարաբերությունների զարգացումը պետք է ուսումնասիրել նաև մանր ձևերի ծնունդից:

Գիտաժողովում ելույթներով հանդես եկան նաև Վ. Պավլովը, Ն. Կուզնեցովան, Է. Օրջոնիկիձեն և ուրիշներ:

Վերջում գիտաժողովն ընդունեց բանաձև: Արձանագրելով սովետական պատմաբանների ու տնտեսագետների ձեռք բերած նվաճումները կապիտալիզմի զենեղիսի ու զարգացման պրոբլեմների մշակման բնագավառում, բանաձևում նշվում է, որ տակավին թույլ են ուսումնասիրված կապիտալի նախասկզբնական կուտակման, առևտրի զարգացման, արդյունաբերական կապիտալի ձևավորման, արհեստային արտադրության, բուրժուական հասարակության դասակարգերի ձևավորման հարցերը:

Գիտաժողովը որոշեց ստեղծել մշտական հանձնաժողով և հանձնարարել նրան շարունակելու «Կապիտալիզմի զենեղիսը Անդրկովկասում» պրոբլեմների մշակումը:

Ա. Ս. ՀԱՄԲԱՐՅԱՆ,
Պատմական գիտ. դոկտոր: